

K U F A N A N K O L O Y E S U

M P E

L I S E K W A N A Y E

A

Ebongisami lisusu mpe buku 2000 ebetami na 1986.

Foto esalami na Mme. Suzanne Stratton.

Distribué par:

Ministères pour Chaque Enfant

mamalorella@yahoo.com

E K O T I S E L I

Elilingi likolo na buku oyo esili koyebisa yo ete makambo na mawa mpe mpasi na Nkolo Yesu makomami awa. Emonisi biso mpe ete liyita ezali mpamba. YESU ASILI KOSEKWA! Buku oyo ekoki kozala lisungi monene na bakambi na losambo ntango na Pâques.

Okomona ete makambo yonso na mawa, mpasi mpe nsoni emonaki Nkolo na biso ekabwani polele mpo na liteyo na mokolo moko moko kati na poso mobimba liboso na Pâques.

Tika ete Nzambe apambola mateyo na buku oyo! Ezali libondela na biso na LECO ete ekosunga bakambi na losambo kolakisa yango malamumu. Esunga mpe bayoki kososola na bozindo ntina monene na mawa na mpasi na kufa na Nkolo Yesu Klisto, Mbikisi na biso.

LECO

Note bien:

LECO ezali lisusu te, mpe buku kitoko oyo ebetami lisusu te. Ntina wana tosali yango ete esunga Ekelesia kososola mosala monene Yesu asalaki mpo na biso.

KUFA NA NKOLO YESU MPE LISEKWA NA YE

MOKOLO NA YENGA:

Yesu akoti na Yelusaleme lokola Mokonzi--
Matai 21:1-11
Malako 11:1-11
Luka 19:28-44
Yoane 12:12-19

Mpo na kokamba makanisi na bato:

1. Yesu azalaki penepene na ngomba nini wana etindaki Ye bayekoli mibale koyela Ye mpunda? (Ngomba na Bilaya.)
2. Nkombo na mboka yango nini? (Betefage.)
3. Ekoki na bayekoli koloba nini soko bato batuni bango mpo nini bazalaki kokamata mpunda? (Motei azali na bosenga na yango.)
4. Bato basalaki nini kotalisa Yesu bolingo na lokumu mpe limemi? (Batiyaki bilamba likolo na mpunda mpe batandaki bilamba mpe bitape na mbila na nzela liboso na Ye.)
5. Bato balobaki nini mpo na kokumisa Nkolo Yesu? (Osana na Mwana na Dawidi! Oyo azali koya na nkombo na Yawe apambwama! Osana na bisikabileki-Likolo!)
6. Kokota na Ye na Yelusaleme, Yesu akendaki wapi? (Akendaki na Tempelo, ndako na Nzambe)

MOKOLO NA MOSALA MOKO:

Kotukama na mosuke--
Matai 21:18-22
Malako 11:12-14, 20-26
Kopetolama na Tempelo--
Matai 21:12,13
Malako 11:15-17
Luka 19:45,46

Kobikisama na bato kati na Tempelo--
Matai 21:14

Mpo na kokamba makanisi na bato:

1. Yesu alalaki butu moko na Betania. Ntongo etani mpe asimbaki nzela kokenda na Yelusaleme. Atukaki nzete nini na nzela yango? (Nzete na mosuke.)
2. Atukaki nzete na mosuke mpo na nini? (Mpo ete azuaki mbuma na yango te, bobele nkasa.)
3. Yesu abenganaki bato nani na Tempelo? (Baoyo bazalaki kotekisa mpe kosomba na kati na Tempelo.)
4. Kasi abengani bango mpo na nini? (Mpo ete babakisaki motuya na biloko batekaka lokola makabo na mbeka mpe bazalaki kosala Ndako na Tata Nzambe lokola zando.)
5. Yesu alobaki ete Ndako na Nzambe ekoki kobiangama nini? (Ndako na kobondela.)
6. Kati na Tempelo, Yesu asalaki makambo nini na kokamwa? (Abikisaki bakufeli miso mpe mikatali).
7. Ezalaki banani bazalaki kotiana ntembe na ntina na misala na Yesu kati na Tempelo? (Banganga minene na bakomeli na mikóló na mboka.)
8. Yesu akendaki wapi kolala lisusu mpo na butu moko? (Betania.)

MIKOLO NA MOSALA MIBALE MPE MISATO:

Ntembe na banganga--
Matai 21:23-27
Malako 11:27-33
Luka 20:1-8

Lisese na bana mibale--
Matai 21:28-32

Lisese na basali mabe na elanga--
Matai 21:33-41
Malako 12:1-9
Luka 20:9-16

Lisese na elambo na libala--
Matai 22:1-14

Etuneli na Bafalisai--
Matai 22:15-22
Malako 12:13-17
Luka 20:20-26

Etuneli na Basadukai--
Matai 22:23-33
Malako 12:18-27
Luka 20:27-40

Etuneli na Molakisi na Mibeko--
Matai 22:34-40
Malako 12:28-34

Etuneli na Yesu--
Matai 22:41-46
Malako 12:35-37
Luka 20:41-44

Mpo na Bafalisai--
Matai 23:1-39
Malako 12:38-40
Luka 20:45-47

Likabo na mwasi akufeli mobali--
Malako 12:41-44
Luka 21:1-4

Baela mosusu baluki Yesu--
Yoane 12:20-36

Moi na mokili--
Yoane 12:37-50

Yesu alakisi makambo makoya--
Matai 24:1-14
Malako 13:1-13
Luka 21:5-19

Mayebisi na makambo mosusu makoya--

Matai 24:15-42

Malako 13:14-37

Luka 21:20-36

Lisese na baseka zomi--

Matai 25:1-13

Lisese na mombongo na baombo na mokonzi--

Matai 25:14-30

Kosambisama na mabota--

Matai 25:31-46

Mwango na Bayuda mpe Yuda Mokeliota--

Matai 26:1-5

Malako 14:1-11

Luka 22:1-6

Mpo na kokamba makanisi na bato:

1. Na nzela na kozonga na Yelusaleme mokolo na mosala mibale, bayekoli bamonaki nini na likambo na nzete na mosuke? (Ete esili kokufa.)
2. Koya na Yesu na Tempelo na ntongo, banani batunaki Ye soko nani apesaki Ye nguya na kola-kisa mpe kosala makambo na kokamwa? (Banga nga minene na mikóló na mboka na bakomeli.)
3. Tanga nkombo na masese mibale malakisaki Yesu kati na Tempelo mokolo na mosala mibale mpe misato. (Pona masese 2 kati na masese oyo: (1) Bana mibali mibale; (2) Basali mabe na elanga; (3) Elambo na libala; (4) Baseka zomi; (5) Mombongo na mokonzi.)
4. Nani alakisaki motindo moleki na malamumu mpo na kokaba makabo? (Mwasi akufeli mobali.)
5. Yesu akebisaki bato na likambo nini na elaka ekoya? (Kosambisama na mabota--Matai 25: 31-46).

MOKOLO NA MOSALA MINEI:

Elekeli na Yesu mpe bayekoli na Ye--

Matai 26:17-19

Malako 14:12-16

Luka 22:7-13

Elambo na Elekeli--

Matai 26:20

Malako 14:17,18

Luka 22:14-18

Kowelana kati na bayekoli--

Luka 22:24-30

Yesu asukoli makaka na bayekoli--

Yoane 13:1-17

Mokabi na Yesu--

Matai 26:21-25

Malako 14:18-21

Luka 22:21-23

Yoane 13:21-30

Elambo na Nkolo--

Matai 26:26-29

Malako 14:22-25

Luka 22:19-20

Maloba na nsuka--

Yoane 14:1-3

Lisese na mowiti na bitape--

Yoane 15:1-11

Elaka na kotindama na Molimo Mosanto--

Yoane 16:7-15

Libondeli na Yesu--

Yoane 17:1-26

Na Getesemane--

Matai 26:36-46

Malako 14:32-42

Luka 22:39-46

Yoane 18:1

Yesu akangami--

Matai 26:47-56

Malako 14:43-52

Luka 22:47-53

Yoane 18:3-13

Yesu abikisaki litoi na moombo na Nganga Monene--

Luka 22:50,51

Mpo na kokamba makanisi na bato:

1. Elekeli na Yesu mpe bayekoli ebelemi. Tanga nkombo na bayekoli mibali batindami na Yelusalem kobongisa makambo yonso mpo na Elambo na Elekeli yango. (Petelo mpe Yoane.)
2. Bakoki koyeba esika eponami mpo na koyangana mpo na Elambo yango na motindo nini? (Yesu alobelaki bango: "Mobali akozuana na bino komema mbeki na mai; soko mpe akokota wapi, bobila ye. Bolobela mokóló na ndako ete, 'Motei alobi ete, Wapi eteni na ndako kuna ekolia Ngai Elekeli?' ")
3. Banani bazalaki babiangami na Nkolo mpo na koliya Elambo yango? (Bayekoli na Ye zomi na mibale.)
4. Nini eyokisaki mitema na bayekoli mawa na ntango yango? (Yesu ayebisaki bango ete akotika bango.)
5. Yesu alakisaki bayekoli na Ye likambo na komikitisa na motindo nini? (Ye Mokonzi, asukolaki makaka na bango.)
6. Nani ayebanaki na ntango yango ete akozala mokabi na Yesu? (Yuda Mokeliota.)
7. Yesu abondisaki mitema na bayekoli na Ye nsima na elambo yango na maloba nini? ("Tika ete mitema na bino mitumolana te. Bondima Nzambe, bondima mpe ngai. Na ndako na Tata na ngai, bifandelo bizali mingi. Soko bongo te,

mbé nasili koloba na bino; zambi nakokenda kobongisela bino esika. Mpe soko nakokenda kobongisela bino esika, nakoya lisusu mpe nakoyamba bino epai na ngai ete esika ezali ngai, bino bozala mpe wana lokola." Yoane 14:1-3)

8. Nani alobelaki Nkolo Yesu ete, "Naselingwi, Motei, kokenda na yo nzela moko kati na boloko soko kufa."? (Ezalaki Petelo.)
9. Yesu apesaki Petelo likebisi nini? (Azalaki koyebisa ye ete naino eleli nsoso te, akoangana Ye mbala misato. Yoane 13:38.)
10. Na ntango oyo Yuda azalaki kosala nini? (Azalaki kotekisa Nkolo Yesu mpo na palata ntuku misato.)
11. Nsima na kosololana mpe kobondelana na bayekoli na Ye, Yesu akendaki wapi na ntina na mawa na motema na Ye? (Akendaki na elanga na Getesemane kobondela.)
12. Yesu alobaki na bayekoli boni ete bafanda kozila Ye na monoko na elanga na Getesemane? (Bayekoli mwambe.)
13. Aponaki banani kokenda na Ye elongo epai na esika na kobondela? (Petelo na Yoane na Yakobo. Malako 14:33.)
14. Yesu atunaki bango kosala nini wana ekendaki Ye mwa mosika moke kobondela? (Kokengela mpe kobondela.)
15. Ntango Yesu azongaki epai na bango, amonaki mawa mpo na nini? (Mbala misato azui bango bobele kolala mpongi. Luka 22:39-46.)
16. Na ntango na mawa oyo, Yesu azui molende epai wapi? (Mwanze na Likolo amonanaki na Ye kokembisa Ye. Luka 22:43.)
17. Tanga ndambo na makambo mazalaki bozito na motema na Nkolo Yesu ntango yango. (Ayebaki ete abeleme kokufa. Ayebaki yango ezalaki

Yuda kosala. Ayebaki ete Petelo akoangana Ye. Ayebaki ete bayini na Ye bakonyokola Ye kino akufi na ekulusu. Ayebaki ete ekoki na Ye komema masumu na bato yonso na mokili ete akoka kozala Mobikisi na biso. Ayebaki ete baninga na Ye na bayekoli na Ye na bamosusu bakotika Ye.)

18. Maloba nini na Ye mamonisi ete Ye andimaki bobele mokano na Tata Nzambe? ("....mokano na ngai esalama te, kasi bobele mokano na yo." Luka 22:42.)
19. Ezalaki bango kobima na Getesemane, bazuani na banani? (Basoda mpe Yuda.)
20. Yuda akabaki Yesu na elemba nini? (Na lipwepwe.)
21. Yesu asalaki likambo na kokamwa nini kuna na Getesemane ntango na kokabama na Ye? (Abikisaki litoi na moombo na Nganga Monene, nkombo na ye Maloko. Ezalaki Petelo oyo abendaki mopanga kokata litoi na Maloko. Yoane 18:10,11.)
22. Basoda bakendaki na Yesu epai wapi? (Epai na Kayafa, Nganga Monene.)

MOKOLO NA MOSALA MITANO:

Yesu liboso na Nganga Monene--

Matai 26:57

Malako 14:53

Luka 22:54

Yoane 18:13,14

Petelo aangani Yesu--

Matai 26:58, 69-75

Malako 14:54, 66-72

Luka 22: 54-62

Yoane 18:15-27

Yesu liboso na Banganga--

Matai 26:59-68

Malako 14:55-65

Luka 22:66-71

Yoane 18:19-24

Yesu liboso na Pilata--

Matai 27:1,2,11-26

Malako 15:1-15

Luka 23:1-5, 13-25

Yoane 18:28-40

Yesu liboso na Elode--

Luka 23:6-12

Pilata alingi kokangola Yesu--

Matai 27:15-26

Malako 15:6-15

Luka 23:13-24

Yoane 18:39,40

Liloto na mwasi na Pilata--

Matai 27:19

Pilata asukoli maboko na ye--

Matai 27:24

Pilata apesi Yesu na basoda mpo na kobakisama na ekulusu--

Matai 27:26-30

Malako 15:15

Luka 23:24,25

Yoane 19:16

Basekaseki Yesu--

Matai 27:27-30

Malako 15:16-20

Yoane 19:1-3

Kufa na Yuda--

Matai 27:3-10

Bakei na Yesu mpo na kobakisa Ye na ekulusu--

Matai 27:31-33

Malako 15:20-22

Bakei na Yesu kobakisa Ye na ekulusu (â
suivre)--

Luka 23:26

Yoane 19:16,17

Mawa na basi--

Luka 23:27-31

Bapesi Yesu vinyo na bololo--

Matai 27:34

Malako 15:23

Babakisi Yesu na ekulusu--

Matai 27:35-38

Malako 15:24-28

Luka 23:33-38

Yoane 19:18-24

Babwaki mbese mpo na elamba na Yesu--

Yoane 19:23-24

Bayuda baskaseki Yesu likolo na ekulusu--

Matai 27:39-43

Malako 15:29-32

Luka 23:35

Maloba na moyibi moko pembeni na Yesu--

Luka 23:39-43

Yesu akanisi mama na Ye--

Yoane 19:25-27

Molili ezipi mokili; Yesu akufi--

Matai 27:45-50

Malako 15:33-37

Luka 23:44-46

Yoane 19:28-30

Elamba monene na Tempelo epaswami.

Mayita mazipwi--

Matai 27:51-53

Malako 15:38

Luka 23:45

Kapitene na basoda akumisi Nzambe--

Matai 27:54

Malako 15:39

Luka 23:47

Yosefe na Alimataya alombi ebembe na Yesu--

Matai 27:57-58

Malako 15:42-45

Luka 23:50-53

Yoane 19:38

Kokundama na Yesu--

Matai 27:59-61

Malako 15:46,47

Luka 23:53

Yoane 19:39-42

Basenzeli liyita na Yesu--

Matai 27:62-66

Mpo na kokamba makanisi na bato:

1. Basalelaki Yesu makambo nini epai na Kayafa, Nganga Monene? (Makambo na nsoni mpe mawa.)
2. Petelo abakisaki mawa na Yesu na motindo nini? (Aanganaki mbala misato ete ayebi Ye te!)
3. Nsima na butu yango molai na mawa mpe nsoni, bakambaki Yesu liboso na mokonzi nani? (Liboso na Pilata.)
4. Nsima na kotuna Yesu bituneli mwa mingi, Pilata alobeli Bayuda likambo nini? (Ete azui Ye na likambo moko te!)
5. Bayuda basengaki nini na ntina na Yesu? (Ete akufa!)
6. Pilata atindaki Yesu epai na nani? (Epai na Elode.)
Mpo na nini atindaki Ye epai na Elode? (Mpo Ye auti na Galilai.)

7. Ntina nini Elode asiliki na Yesu? (Mpo ete azongiseli Ye monoko moko te, ata komeka komilongisa te.)
8. Elode asalaki nini na Yesu? (Asekaseki Ye. Atindaki basoda kolatisa Ye elamba kitoko, lokola kokumisa Ye mpo ete azali mokonzi.)
9. Elode atindaki Yesu wapi? (Azongisaki Ye epai na Pilata.)
10. Nani akebisaki Pilata ete akweisa Yesu na likambo te? (Mwasi na ye.)
11. Mpo nini Pilata akangolaki Yesu te? (Mpo ete Bayuda balobaki ete bakofunda ye liboso na Kaisala mpe abangaki ete akolongola ye na esika na mokonzi.)
12. Ezali nani abandi koyoka mawa mingi wana emoni ye ete Yesu akangami solo? (Yuda Mokeliota.)
13. Bongo, ye asali nini? (Azongi epai na banganga minene mpe mikóló na mboka koloba ete, "Nasali mabe; nakabi moto na sembo." Abwaki palata liboso na bango.)
14. Yuda asalaki nini wana emoni ye ete bandimi te koyamba palata yango? (Abwaki mosolo na nse. Alongwi mpe akei komikakisa nzoto.)
15. Pilata alingaki kolongisa Yesu. Akanisaki kokangola Ye na mayele nini? (Na ntango na Elambo, ye atunaki bato soko akangwela bango Balaba to Yesu.)
16. Bato baponaki kosala pelamoko Pilata alingaki? (Te. Bangangaki: "Kangwela biso Balaba!")
17. Wana etunaki Pilata soko asala nini na Yesu, bato balobaki nini? (Bangangi ete, "Abakisama na ekulusu!")
18. Nsima na kosambisa Yesu, Pilata asalaki nini na Ye? (Apesaki Ye na maboko na basoda ete abakisama na ekulusu.)

19. Pilata asalaki nini mpo na komeka komilongisa na likambo na Yesu? (Akamataki mai, asukoli maboko na ye na miso na ebele na bato mpe alobaki: "Nakolonga mpo na makila na moto oyo. Ngai nazali na likambo na makila na moto oyo te.")
20. Basoda basalelaki Yesu makambo nini na nsoni? (Balongolaki bilamba na Ye. Balatisaki Ye mokoto motane. Batongaki motole na nzube mpe batiyaki yango na motó na Ye. Batiyaki mokekele na loboko na Ye na mobali. Bakumbi mabongo liboso na Ye. Basekaseki Ye ete, "Mbote na yo! Mokonzi na Bayuda!" Batweli Ye nsoi. Bakamati mokekele yango mpe babeti motó na Ye.)
21. Yesu alobaki nini wana ezalaki bango konyokola Ye boye? (Alobaki ata liloba moko te!)
22. Nsima na kolatisa Ye lisusu bilamba na Ye moko, basoda bakendaki na Ye epai wapi? (Bakendaki na Ye na libanda na mboka na esika ebiangami Esika na Mokwa na motó, nde na monoko na liebele, Gologota.)
23. Baponaki nani kokumba ekulusu na Yesu? (Simona, moto na Kulene.)
24. Babakisaki bamosusu na ekulusu lokola. Bango nani? (Bayibi mibale.)
25. Maloba na Yesu nini malakisaki ete azalaki na bolingo mpo na bayini na Ye? ("Limbisa bango, Tata, mpo ete bayebi yango ezali bango kosala te.")
26. Bakomaki maloba nini na likolo na ekulusu na Yesu? (Mokonzi na Bayuda.)
27. Bayibi yonso mibale bazalaki bobele motindo moko? (Te, moko asengaki kolimbisama; mosusu asekaki Yesu.)
28. Yesu atikaki mama na Ye na maboko na nani? (Yoane. Yoane 19:26,27.)

29. Likambo na kokamwa eyei na midi. Yango nini? (Molili ezipaki mokili mobimba.)
30. Molili yango eumelaki ntango molai boni? (Saa misato.)
31. Na ngonga na misato, Yesu angangaki na mongongo makasi, koloba monoko nini? ("E Nzambe na ngai, E Nzambe na ngai, mpo na nini otiki ngai?")
32. Tanga ndambo na makambo na kokamwa mamonanaki ntango na kufa na Yesu.
 (1) Elamba monene na Tempelo epaswami na ndambo mibale, longwa na likolo kino na nse.
 (2) Mokili eninganaki.
 (3) Mabanga mapaswami.
 (4) Mayita maziwi.
 (5) Bibembe na babulami mosusu baoyo basili kokufa basekwi.
33. Kapitene na basoda alobaki nini na bango bazalaki kosenzela Yesu na ye elongo? ("Solo oyo Mwana na Nzambe!")
34. Tanga nkombo na bato mibale bakundaki ebembe na Yesu. (Yosefe na Alimataya mpe Nikodeme.)
35. Bayini na Yesu basengaki ete Pilata apesa bango nzela kosala nini na liyita na Yesu? (Kotiya basenzeli liboso na liyita kotala ete bancinga na Yesu baya te koyiba nzoto na Ye. Balingaki kokanga liyita ngwi mpe kotiya elembo na libanga na miso na basenzeli.)

MOKOLO NA POSO: Sabata na Bayuda.

Nkolo na biso alalaki na liyita.

Bayekoli na Ye na mama na Ye na bancinga na Ye bazalaki na mawa mingi.

MOKOLO NA YENGA--LE JOUR DE PAQUES:

LISEKWA NA YESU

Basi bakei na ntongontongo na mokolo na yenga kopakola nzoto na Yesu--

Matai 28:1

Malako 16:1-2

Luka 24:1

Mokili eningani, mwanze akiti na Likolo, alongoli libanga, afandi na yango--

Matai 28:2

Bakengeli balengi na nsomo mpe balali lokola bakufi--

Matai 28:4

Malia na Magadala amoni ete libanga esili kolongwa mpe akimi koyebisa Petelo na Yoane--

Yoane 20:1,2

Basi mosusu babelemi, bakuti liyita mpamba, mpe bamoni banze--

Matai 28:5-7

Luka 24:2-5

Banze bayebisi bango ete Yesu asili kosekwa--

Luka 24:6,7

Basi bapoti mbango koyebisa bayekoli mosusu nsango oyo--

Matai 28:8

Luka 24:9-10

Petelo na Yoane bakomi na liyita. Yoane andimi, Petelo akamwi--

Luka 24:12

Yoane 20:3-10

Malia na Magadala azongi na liyita mpe azalaki kolela. Ye azali moto na liboso komona Yesu na bomoi na nsima na kosekwa--

Malako 16:9-10

Yoane 20:11-18

Yesu azuani na basi na nzela na kokenda ko-
yebisa bayekoli ete asekwi mpe asololani na
bango--

Matai 28:9-10

Basenzeli bayebisi Banganga makambo ma-
sili kobima--

Matai 28:11

Banganga bapesi basenzeli misolo ete ba-
panza lokuta oyo: Bayekoli bayei na butu
mpe bayibaki nzoto na Yesu ntango tolala-
ki mpongi--

Matai 28:12-15

Yesu abimi na bayekoli mibale na nzela na
Emau--

Malako 16:12

Luka 24:13-35

Yesu amimonisi na Petelo--

Luka 24:34

1 Bakolinti 15:5

Yesu amonani na Bayekoli Zomi na butu--

Luka 24:36-49

Yoane 20:19-23

Mikolo 40 kati na lisekwa na Yesu mpe
kozonga na Ye na Lola:

Na nsima na poso moko, Yesu amonani na
Bayekoli Zomi na Moko--

Malako 16:14-18

Yoane 20:26-29

Yesu amonani na bayekoli nsambo pembeni
na Libeke na Tibelia--

Yoane 21:1-23

Yesu amonani na Bayekoli 11 na Ngomba
na Galilai--

Matai 28:16

1 Bakolinti 15:5

Yesu amonani na bandeko nkama mitano
mbala moko--

1 Bakolinti 15:6

Yesu amonani na Yakobo, ndeko na Ye--
1 Bakolinti 15:7

Yesu akambaki bayekoli na Ye kino Betania
mpe bamoni Ye kobuta na Likolo--

Malako 16:19-20

Luka 24:50-53

Misala 1:6-11

Nsango Malamu ezali Nsango na Lisekwa!

Tanga baverset oyo:

Misala 2:24,32-33; 3:15,26; 4:2,10; 5:30-31;
10:40,41; 13:30-37

Baloma 4:24,25; 5:8-10; 6:4,9-10; 8:11,34;
10:9

1 Bakolinti 6:14; 15:1-58

2 Bakolinti 4:14

Baefese 1:18-22

Bafilipi 3:10

Bakolose 2:12

1 Batesaloniki 4:14

2 Timote 2:8

1 Petelo 1:3,21

"Soko Klisto asekwi te, kosakola na
biso ezali mpamba, kondima na bino
ezali mpamba mpe." 1 Bakolinti 15:14

"Nde solo Klisto ASEKWI longwa na ba-
kufi, mbuma na liboso na bango ba-
lali." 1 Bakolinti 15:20

Mpo na kokamba makanisi na bato:

1. Yesu asilaki kosakola mbala na mbala epai na bayekoli mpe baninga na Ye ete akokufa mpe akosekwa lisusu--
Matai 16:21; 17:22,23; 20:19
Ata Bafalisai bayebaki likambo yango--
Matai 27:62,63
Soko basi basosolaki solo ete akosekwa lisusu, nde bayei na liyita mpo na kopakola ebembe na Yesu? (Te, nde bandimaki te.)
2. Yesu asekwaki na mokolo nini? (Na ntongo-ntongo na mokolo na yenga.)
3. Likambo nini ebimi ntango mwanze na Nkolo akiti? (Koningana na mokili.)
4. Libanga elongwi mpo na kopesa Yesu nzela na kobima na liyita? (Te, nde ete bato batala ete liyita ezalaki mpamba.)
5. Mwanze atuni basi kosala nini? ("Yaka kotala esika elalaki Ye.")
6. Mwanze atindi bango epai na nani? (Epai na bayekoli mpe Petelo.)
7. Yesu alobelaki bayekoli liboso ete akozua bango wapi nsima na kosekwa na Ye? (Na Galilai.)
8. Nani amonaki Yesu na liboso na nsima na lisekwa na Ye? (Malia na Magadala.)
9. Ntango Malia akei koyebisa bayekoli ete Yesu asili kosekwa, bandimaki monoko na ye?--Malako 16:11. (Te, baboyaki kondima.)
10. Yesu azuani na bato mibale na nzela na Emau. Balobi nini na nsima na kolimwa na Ye? ("Wana ezalaki ye kosolola na biso na nzela mpe kofungola makomi mpo na biso, mitema na biso mizalaki na móto kati na biso te?")

11. Bayekoli bandimaki bango ntango bazongi koyebisa bango ete basili komona Yesu? -- Malako 16:12,13. (Bandimaki te.)
12. Ntango Yesu abimaki kati na Bazomi na moko, nani afungoli monoko na ndako mpo na Ye? -- Yoane 20:19. (Moto te.)
13. Bakengeli na liyita bakei koyebisa nani likambo na lisekwa na Yesu? (Banganga.)
14. Banganga bapesaki bakengeli misolo mpo na nini? (Ete bapanza nsango ete bayekoli bayibaki nzoto na Yesu ntango bango balalaki mpongi.)
15. Yesu aumelaki mikolo boni na nse na nsima na kosekwa na Ye? (Mikolo 40.)
16. Yesu amonani na bato yonso na ntango yango? (Te, na bato yonso te.)
17. Soko Yesu asekwaki te, ekomi boni mpo na biso bandimi? (Soko bongo, tokozala na elikia te nde kati na masumu na biso naino.)
18. Toyebi ete Yesu asekwaki solo boni?
 - (1) Banze oyo bakitaki na Likolo bayebisaki basi polele boye.
 - (2) Bato mingi bamonaki Ye na miso mpe bazalaki batatoli na yango:
Malia na Magadala;
Bayekoli Zomi na moko.
Yakobo, ndeko na Nkolo Yesu.
Bato 500 yonso na ntango moko.
 - (3) Lisusu, Biblia elakisi biso boye lisusu na lisusu.
19. Baoyo bakufi kati na Yesu bakoki kosekwa lisusu mpe kozua nzoto na kopola te boni? (Mpo ete Yesu mpenza asekwaki mpe alongaki likolo na kufa.)
20. Mposa na Paulo ezalaki nini? -- Bafilipi 3:10. (Ete ayeba Klisto mpe nguya na kosekwa na Ye.)

